



REPUBLIKA E SHQIPËRISË
DHOMA KOMBËTARE E NOTERISË

DEGA VENDORE TIRANË

NOTER MIMOZA XHAFAJ
ADRESA NJESIA ADMINISTRATIVE
NR. 9, RR. IBRAHIM RUGOVA,
GODINA SKY TOWER
TEL: 0682066800

PËRPILIM DHE VËRTETIM TË SH.P.K.-VE

(AKT THEMELIMI DHE STATUT)

Nr. repertori: 1317

Nr. koleksioni: 239

Tirane më 19/09/2023

Digitally signed by MIMOZA

Ligjet referuese: XHAFAJ

- 1.Ligji nr. 7850, datë 29/07/1994 "Kodi Civil i Republikës së Shqipërisë", i ndryshuar
- 2.Ligji nr. 9887, date 10/03/2008 "Për mbrojtjen e të dhënave personale", i ndryshuar
- 3.Ligji nr. 110, datë 20/12/2018 "Për Noterinë", i ndryshuar



A2023054080024736724

*Akti noterial përbëhet nga 6 fletë



A2023054080024736724



**AKT THEMELIMI
DHE
STATUT I
SHOQËRISË ME PËRGJEGJËSI TË KUFIZUAR
“TRIPLT TRAVEL” SH.P.K.**

Sot, në datë 19.09.2023 (*dymijë e njëzet e tre*), përpara meje, Notere Mimoza XHAFAJ, Anëtare e Dhomës Kombëtare të Noterisë, Dega Vendore Tiranë, me Zyrë në Pallatin “Sky Tower”, kati I-rë, Rruga “Ibrahim RUGOVA”, Nr. 5, Tiranë, u paraqit personalisht Pala e interesuar si më poshtë:

THEMELUES: *znj. Alketa SPARTAKU*, e bija e Petraq dhe Donika, shtetase shqiptare, e datëlindjes 07.03.1972, lindur në Tiranë dhe banuese në Tiranë, në adresën: Rr. “Osman Myderisi”; P.6; Ap.9; Tiranë, gjendja civile “e martuar”, madhore dhe me zotësi të plotë juridike e për të vepruar, për identitetin e të cilës u garantova me Letërnjoftim me nr. personal H25307193C.

E cila ka vendosur të nënshkruajë këtë Akt Themelimi dhe Statut të shoqërisë “**TRIPLT TRAVEL**” Sh.p.k., mbështetur në ligjin nr. 9901, datë 14.04.2008, “Për tregtarët dhe shoqëritë tregtare”, ligjin 9723, datë 03.05.2007 “Për Qendrën Kombëtare të Biznesit”, Kodin Doganor, Fiskal dhe Tatimor, si më poshtë:

**KAPITULLI I
THEMELIMI, EMËRTIMI, OBJEKTI, SELIA, KOHËZGJATJA**

Neni 1 – Forma

- 1.1. Shoqëria “**TRIPLT TRAVEL**” Sh.p.k. (në vijim “**Shoqëria**”) themelohet si shoqëri me përgjegjësi të kufizuar me ortak të vetëm dhe funksionon sipas këtij Statuti dhe Akti Themelimi.
- 1.2. Shoqëria do të funksionojë sipas legjislacionit shqiptar.

Neni 2 – Emërtimi

- 2.1. Emërtimi i Shoqërisë është “**TRIPLT TRAVEL**” Sh.p.k.

Neni 3 – Objekti i Shoqërisë

- 3.1. Shoqëria ka për objekt ushtrimin e veprimtarive të ndryshme në fushën e turizmit, si më poshtë vijojnë, por pa u kufizuar vetëm në to si:
 - 3.1.1 “Shitje/ blerje biletash avioni, trageti, autobusi dhe/apo të mjeteve të ndryshme të organizimit e formave të udhëtimeve turistike, udhëtime pune etj. Shitje/blerje të paketave turistike, evenimenteve zyrtare dhe jo-zyrtare, organizim konferencash, seminaresh. Udhëtime turistike me grupe të organizuara brenda dhe jashtë vendit. Shitje/ blerje biletash për evente sportive dhe evenimente të ndryshme kulturore dhe artistike. Makina me qira. Siguracion shëndeti në udhëtim. Pushime dhe udhëtime me kroçiera. Shoqëria bashkëpunon me agjenci të tjera turistike, udhëtimi, shoqëri transportesh etj, Vendase dhe/apo të huaja, hotele, resorte, restorante, individë, familje etj., që kanë objekt veprimtarie të njëjtë me të apo që lidhen me



A2023054080024736724

objektin e saj të veprimtarisë. Shoqëria organizon ture të ndryshme të përmasave të ndryshme në pjesëmarrje, objektiv udhëtimi, qëllime udhëtimi etj., të ndryshme, brenda dhe jashtë vendit, në përputhje me Legjislacionin e Republikës së Shqipërisë dhe atë ndërkombëtar. Pjesëmarrje në procedura prokurimi publik (tendera) të organizuara nga institucione shtetërore. Konsulencë, këshillime, trajnime profesionale lidhur me çdo lloj veprimtarie që ka të bëjë me turizmin;

3.1.2. Në fushën e promovimit të turizmit:

- a) Shoqëria do të kryejë aktivitetet në fushën e promovimit të turizmit vendas e të huaj, në bashkëpunim me agjenci, persona juridikë, fizikë, individë, institucione të ndryshme shtetërore/publike/private, etj.
- b) Shoqëria do të merret me menaxhimin dhe kryerjen e veprimtarive informuese dhe turistike që kanë të bëjnë me promovimin, rritjen dhe rikualifikimin e zhvillimit turistik vendas apo të huaj, edhe nëpërmjet bashkëpunimit me persona juridikë apo individë, institucione të ndryshme shtetërore apo private etj.;
- c) Shpërndarjen dhe shitjen e manualeve, udhëzuesve, hartave, broshurave ilustruese dhe informuese, si dhe të çdo publikimi tjetër që lidhet me fushën e turizmit, shfaqje artistike, kulturore dhe sportive dhe evente të ndryshme;
- d) Menaxhimin dhe rezervimin e shërbimeve në kontekstin e ekspozitave, eventeve të ndryshme turistike, kulturore, artistike, sportive, panairove, kongreseve etj., si brenda territorit ashtu edhe jashtë tij;
- e) Konsulencë dhe asistencë profesionale të përgjithshme dhe të posaçme lidhur me sektorin e turizmit për kompanitë si dhe për çdo subjekt tjetër privat apo publik;
- f) Promovimin dhe zhvillimin e artizanatit dhe produkteve tradicionale shqiptare, evidentimin dhe ruajtjen e vlerave autentike shqiptare përmes eventeve të ndryshme si për shembull panairove, por edhe nëpërmjet shitjes së tyre online përmes një platforme të dedikuar ose në dyqan, brenda dhe jashtë territorit shqiptar;
- g) Ideimin, projektimin, organizimin dhe realizimin e eventeve të ndryshme dhe të çdo veprimtarie lidhur me promovimin dhe zhvillimin e artit, kulturës dhe turizmit.
- h) Kryerjen e veprimtarive kërkimore, dokumentuese, informuese apo edhe reklamuese mbi turizmin nëpërmjet shpërndarjes dhe shitjes së broshurave, fletëpalosjeve, manualeve si dhe çdo lloj materiali tjetër që lidhet me turizmin; Prodhimin, menaxhimin, shpërndarjen etj. të filmave, dokumentarëve, emisioneve apo videove të llojeve të ndryshme;

3.1.3. Të tjera:

- a) Menaxhimin e strukturave të rezidencave turistike, vendeve të dedikuara për kampingje apo shkolla verore jo-profesionale, dhe ushtrimin e çdo veprimtarie akomoduese (pritëse)-turistike në përgjithësi, si në mjediset e vetë Shoqërisë ashtu edhe në ato të palëve të treta;
- b) Gëzimin, menaxhimin, dhënien me qira, nënqira, hua dhe administrimin e pasurive të paluajtshme të çdo natyre dhe lloji;
- c) Me qëllim përmbushjen e objektit të saj, Shoqëria mund të kryejë realizimin e punimeve të ndërtimit të çdo lloji dhe natyre duke përfshirë ndërtimin, ristrukturimin e pasurive të paluajtshme dhe përmirësimin e pasurive të paluajtshme në përgjithësi, si dhe blerjen, shitjen, shkëmbimin e pasurive të paluajtshme të çdo lloji dhe natyre.
- d) Shoqëria do të mund të blejë pjesëmarrje aksionare apo jo aksionare në shoqëri të tjera, ente, konsortiume, të themeluara apo në themelim, shqiptare ose të huaja, të cilat kanë objekt të ngjashëm apo sidoqoftë të ndërlidhur apo plotësues të objektit të saj, apo sidoqoftë në funksion të arritjes së qëllimeve të Shoqërisë.
- e) Më në përgjithësi, Shoqëria mund të kryejë çdo veprimtari tjetër që, edhe pse nuk ka lidhje me sa është parashikuar më sipër, nuk përbën një veprimtari të ndaluar me ligj dhe që është



A2023054080024736724

në funksion të përmbushjes së objektit të Shoqërisë.

Neni 4 – Selia

- 4.1. Selia e Shoqërisë është në Tiranë, në adresën Njësia Administrative nr.5, Rruga Osman Myderisi, P.6.Ap.9, Tiranë, Shqipëri.
- 4.2. Transferimi i selisë së Shoqërisë në një vend tjetër bëhet me vendimin e Ortakut të vetëm.
- 4.3. Ortaku i vetëm mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si edhe jashtë saj.

Neni 5 – Kohëzgjatja e veprimtarisë

- 5.1. Kohëzgjatja e veprimtarisë së Shoqërisë është me afat të pacaktuar, duke filluar që nga data e regjistrimit të saj në Qendrën Kombëtare të Biznesit.

KAPITULLI II

KAPITALI THEMELTAR, KONTRIBUTET, NDARJA E KUOTAVE TË KAPITALIT

Neni 6 – Kapitali themeltar

- 6.1. Kapitali themeltar i Shoqërisë është 100 (*njëqind*) Lekë.
- 6.2. Kapitali themeltar i Shoqërisë përbëhet nga 1 (*një*) kuotë, me një vlerë prej 100 (*njëqind*) Lekësh.

Neni 7 – Kontributet dhe kuotat

- 7.1. Kapitali i Shoqërisë është i barabartë me 100 (*njëqind*) Lekë, përbëhet nga 1 (*një*) kuotë, dhe zotërohet nga Ortaku i vetëm si më poshtë:

Alketa Spartaku, e bija e Petraqit, shtetase shqiptare, lindur më 07.03.1972 në Tiranë, banues në Tiranë, mbajtëse e kartës së identitetit me nr. personal H25307193C e cila është pronare e të gjithë kapitalit të Shoqërisë “**TRIPLT TRAVEL**” sh.p.k.

- 7.2. Sipas kontributeve të mësipërme: Ortaku i vetëm, Alketa Spartaku, zotëron 100% të kapitalit themeltar të Shoqërisë.

Neni 8 – Rritja e kapitalit themeltar

- 8.1. Kapitali themeltar mund të rritet pa kufi në çdo moment, një ose disa herë, me vendim të Ortakut të vetëm.
- 8.2. Në rast rritjeje të kapitalit, kuota e ortakut do të rritet sipas shumave të përcaktuara në vendimin për rritjen e kapitalit.

Neni 9 – Zvogëlimi i kapitalit themeltar

- 9.1. Shoqëria mund të zvogëlojë kapitalin themeltar me vendimin e Ortakut të Vetëm. Në çdo rast kapitali themeltar nuk mund të zvogëlohet nën kufijtë e parashikuar nga ligji.



A2023054080024736724

- 9.2. Zvogëlimi i kapitalit përballohet nga ortaku sipas shumave të përcaktuara në vendimin për zvogëlimin e kapitalit.

Neni 10 – Transferimi i kuotave të kapitalit

- 10.1. Kuotat e kapitalit janë lirish të transferueshme sipas nenit 73 të Ligjit 9901, i datës 14.04.2008 “Për tregtarët dhe shoqëritë tregtare”, i ndryshuar.

KAPITULLI III ORTAKU I VETËM, ADMINISTRATORËT DHE EKSPERTI KONTABËL

Neni 11 – Ortaku i vetëm

- 11.1. Organi vendimmarrës i Shoqërisë është Ortaku i vetëm.
- 11.2. Ortaku ka të drejtë të përfaqësohet nga një person tjetër, i pajisur me prokurë me shkrim, me anën e së cilës mund të japë votën e tij.
- 11.3. Ortaku i vetëm mund të thirret në çdo moment nga Administratori. Në çdo rast, Ortaku i vetëm duhet të marrë vendim së paku një herë në vit për të shqyrtuar dhe miratuar bilancin e periudhës ushtrimore financiare të mëparshme.
- 11.4. Ortaku i vetëm, nëse thirret nga Administratori, duhet të thirret nëpërmjet njoftimit me letër rekomande me kthim përgjigje e cila duhet t’i dërgohet atij – në adresën që rezulton në dokumentet e Shoqërisë – të paktën 7 (shtatë) ditë përpara mbledhjes. Thirrja duhet të përmbajë informacion mbi çështjet që do të trajtohen dhe për të cilat do të merret vendim, vendin, orën dhe datën e mbledhjes.
- 11.5. Ortaku i vetëm mund të marrë vendime edhe jashtë selisë së Shoqërisë, në Shqipëri apo në një vend të huaj.

Neni 12 – Administrimi

- 12.1. Shoqëria administrohet nga 1 (një) Administrator, emëruar prej Ortakut të vetëm, i cili qëndron në detyrë deri në revokimin apo dorëheqjen e tij, apo për një periudhë prej 5 (pesë) vitesh. Ai mund të rizgjidhet për të njëjtin afat. Administrator mund të jetë edhe vetë Ortaku i vetëm.
- 12.2. Administrator caktohet **Alketa Spartaku**, atësia Petraq, shtetase shqiptare, e dtl 07.03.1972, lindur në Tiranë dhe banues në Tiranë, në adresën Rr. Osman Myderisi, P.6, Ap.9, Tiranë, mbajtëse e kartës së identitetit me nr. personal H25307193C, me cel: +355 69 24 76 178, me e-mail: alketa.spartaku@gmail.com, madhore dhe me zotësi të plotë për të vepruar, emëruar prej Ortakut të Vetëm, e cila qëndron në detyrë deri në revokimin apo dorëheqjen e tij, apo për një periudhë prej 5 (pesë) vitesh.
- 12.3. Përfaqësimi ligjor i Shoqërisë i takon Administratorit. Administratori do të kryejë të gjitha aktet e administrimit të zakonshëm dhe të jashtëzakonshëm të Shoqërisë, përjashtuar kompetencat të cilat i përkasin organeve të tjerë të Shoqërisë sipas ligjit të aplikueshëm apo

sipas këtij statuti.

- 12.4. Administratori mund të emërojë përfaqësues të posaçëm për akte të veçanta ose për kategori aktesh.

Neni 13 – Eksperti kontabël i autorizuar

- 13.1. Në rast se kërkohet nga ligji apo vendoset nga Ortaku i vetëm, kontrolli i bilanceve dhe librave kontabël të Shoqërisë do t'i besohet një eksperti kontabël të autorizuar.

KAPITULLI IV VITI FINANCIAR, BILANCI VJETOR, SHPËRNDARJA E FITIMEVE

Neni 14 - Viti financiar dhe bilanci vjetor

- 14.1. Viti financiar fillon më 1 janar dhe mbaron më 31 dhjetor të secilit vit.

Neni 15 – Fitimet

- 15.1. Fitimet neto që rezultojnë nga bilanci vjetor, duke zbritur të gjitha shumat që Ortaku i vetëm vendos t'i vërë mënjane, i shpërndahen Ortakut, ose me vendim të tij riinvestohen apo kapitalizohen brenda Shoqërisë.
- 15.2. Ortaku i vetëm mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve - plotësisht ose pjesërisht - për vitet financiare të ardhshme.

KAPITULLI V SHPËRNDARJA DHE LIKUIDIMI I SHOQËRISË

Neni 16 – Shpërndarja

- 16.1. Shoqëria prishet në rastet e parashikuara nga ligji ose me anë të një vendimi të Ortakut të vetëm.
- 16.2. Shoqëria nuk prishet në rast të falimentimit të ortakut.

Neni 17 – Likuidimi

- 17.1. Në rast shpërndarje, shoqëria duhet të likuidohet.
- 17.2. Për të administruar këtë procedurë, Ortaku i vetëm emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 17.3. Me përfundimin e procedurës së likuidimit, Ortaku i vetëm do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 17.4. Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakut.



Neni 18 – Gjuha

18.1. Ky statut është hartuar në 3 (tre) kopje në gjuhën shqipe.

Neni 19 – Dispozita përfundimtare

- 19.1. Lidhur me çka nuk është parashikuar shprehimisht prej këtij statuti dhe akti themelimi do të zbatohet ligji shqiptar mbi shoqëritë tregtare.
- 19.2. Për të gjitha mosmarrëveshjet që mund të lindin do të jetë kompetente Gjykata e Shkallës së Parë e Juridiksionit të Përgjithshëm Tiranë.

* * *

Unë, Noterja verifikova identitetin e subjektit nëpërmjet dokumentit të identitetit dhe pasi e gjeta përmbajtjen e aktit noterial të mësipërm, në përputhje me ligjin nr. 110/2018 “Për noterinë”, vërtetoj nënshkrimin e saj. Ky Statut dhe Akt Themelimi nënshkruhet lirisht prej palës në praninë time dhe unë Noterja, vërtetoj nënshkrimin e tij sipas ligjit.

THEMELUES

znj. Alketa SPARTAKU

Alketa Spartaku



**NOTERE
MIMOZA XHAFAJ**

Mimoza Xhafaj

